

## Transkription von Urkunde BLN 1419a

Ort, Datierung: Berlin, 1419-01-29

Signatur: Landesarchiv Berlin, 1419-01-29

---

Vor alle di dessen Briff sin odder horen lesen Bekenne wy her Jacob tughow thu dem<sup>e</sup> / male eynde  
deken , her Johan lichtenberch als eyne kemerrer , vnd wy gemeyne here(n) vnde / bruder geisteliken  
vnd wertliken , des kalandes tu Berlin , vor vns vnd vor alle / vnse nakomelinge , des suluen kalandes ,  
dat vns die Ersame(n) vorsichtige(n) Burg(er)/meiste(re) vnd Rathe(re)n der stad Berlin , wol tu  
dancke betalet vnde vornüget hebbe(n) / virvndeseuentich schock beymischer g(ro)schen pregerscher  
mu(n)te , der wy em quid , ledich / vnde losz laten mit krafft des briffes , vor di yerlike rente vnd  
rechticheit , di wy / gehat hebbe(n) , vp die See tu stralow , vnd up die stoffe di nū besittet henzel beder  
so / dat wy gantz vorlaten hebben vnd vorlaten mit krafft des briffes , vor vns vnd / vor alle vnse  
nakomelinge des sulue(n) vorgnante(n) kalandes , di obgnante tynse , vnd / yerliker renten , vnd  
rechticheit , der see vnd stoffen als vp geschreue(n) , steit , vnde / wyllen em der latunge vnd kop<sup>e</sup> eyne  
gewer sin , destu eyner kentnyse dat wy dat / stede vnd feste holden willen ane arch so hebbe wy  
vns(e)s kalandes Camer Inge/sigel witliken an [dess]en briff laten hangen Gegeuen tu Berlin na Cristis  
gebort / virteynhundert vnd [in] dem negenteynden yare des sundag(es) na sunthe pauwels / dage  
siner bekerun[ge]